

吉林府縣志輯

中國北方志集成

民國農安縣志  
民國延吉縣志



### 農安縣志序

吉省自遼金以降戰爭變置迭用弗寧而農安處宋瓦剌在施伊通驛馬二河之委流川原繚繞滿蒙交錯尤爲自古用武之所必爭焉舊志名龍安城遠祖平渤海有黃龍見此城上改名黃龍府金濟州又改爲隆安府明史列於二十年馮勝征元太尉軍次龍安則明時尙詔稱今名農安蓋音聲之訛變耳惟自來紀載未有專書事蹟大凡僅散見於史冊之旁及是由年禩遠道阻修兼之語言文字互殊考獻徵文莫可依據此談掌故者所深引爲憾者也民國乙丑內務部搜集縣志爰令屬縣各上所修歷時三僉農安志編纂告成雖因事屬初舉未盡賅備而上京大氏之名稱路衛族帳之編置以及改建行省劃分縣志而後職官之增減壤地之折合人民之耗登物用之豐嗇均各著於篇類聚門分寔成巨帙是亦足爲留心邊事及采風者之考證矣抑吾聞之天下大勢恒強於東北弱於西南農安居東北戰爭之衝故累世川兵注重軍事博無閑暇以明其刑政殆以事勢使然近數十年來

農安縣志

環境推移風雲變幻昔之遞相爭逐及封閉固守者今則一變而爲遠東門戶所願地方長吏辨今昔之沿革察事勢之所宜勸翼諄精同力共治庶可安內幟外固此邊圻則余之所厚望也是爲序

民國十六年歲在丁卯秋九月遼陽誠允序

### 農安縣志序

民國十五年夏內務部行文各省徵取縣志時我吉長道區各縣咸未有成書無以應命乃又行文各縣限期蕩事弗得愆逾十閱月而農安縣志先成是則董其事者實力奉行始終罔懈之效也修農安縣志不難於徵今而難於稽古鑿括所知約有數端農安爲隆安之轉音其地即金代之隆安府亦即遼置之黃龍府此本無可疑者而自來論者每有異說或謂黃龍府即今奉天之開原城與農安若風馬牛之不相及此以元代設開元路於東北邊緣同名而誤者也或謂黃龍府有二一在開原一在農安兼取兩說依違莫決此又因遼史有開泰九年遷城於東北之文而致迷罔者也此地名之難於釐定者一農安於兩漢之世本爲扶餘王所都高句麗始祖朱蒙爲扶餘王太子見疑出奔立國於鴨綠江上遺聞舊蹟尙有可徵遼太祖東征渤海駐軍於扶餘城亦即今之農安而考古之士稱謂扶餘舊都亦在開原差之毫釐謬以千里此建置之難於考證者二遼史屢言遼主如鴨子河嶺塔魯河鴨子

農安縣志

河即今之伊通河塔魯即今之塔虎城皆去農安甚近又云如魚兒灣奔爲今農安境內有數大泊以籤羅泊爲尤大疑不出此數者而考古者多不能明亦其疏矣此河泊之難於昭晰者三三者之外尙有多端難於備舉而編者已將難瞭各事疏通證明瞭然有當信爲難能而可貴矣抑尤有言者農安爲東北一大都會亦往代兵家所必爭自幹羅斯人修築東省鐵路貫通於德惠縣境農安之形勝遂失去秋其奉命蒞縣巡視見廣原隴美川流錯注允爲天府奧區又其西北隔與郭爾羅斯前旗接壤沃野數百里都未耕闢遺利於地可惜實甚建議大府擬築長扶校路以開發之格於財力未即興舉茲讀此編於疆域形勝地產豐腴之大山川道里禮俗戶族之細均能殫見洽聞如數家珍竊喜曩所經畫不難於今日見諸實行也王仲任云知今而不知古謂之盲盲知古而不知今謂之陸沈讀是書也因往昔文物之盛而益懷今茲放墜之可懼是乃其所致望所於來者也夫民國十六年十月遼陽孫其昌序於吉長道尹官廨

# 中國地方志集成

吉林府縣志輯 ②

民國延吉縣志

民國農安縣志

鳳凰出版社 ● 上海書店 ● 巴蜀書社

農安縣志序

歲丙寅冬奉

省道憲令調送農安縣志以資采徵農安初無縣志也遵令趕修設局籌款聘員編纂十逾月而志書脫稿檢閱一過發凡起例爲目三十有八都三十餘萬言裝爲八册雖其間體例之繁簡詳略或未臻乎盡善有可議者惟是礙於經費限以歲時前乎此者又無私家撰著足供披拾關於志書資料之蒐集一時調查編輯各員東鱗西爪屬事比辭綜爲一書哀然成帙要之一縣之文獻幸故固已略具於此矣竊惟縣之有志猶夫國之有史從前之興革得失起伏遞遭之際固自不可一任其漫漶廢滅而不可考惟借鑑乎曩昔所以斟酌乎來今其於現在民生之狀況社會之情勢求有以因革損益補偏救弊蒸蒸日上而益進意在斯乎農安之爲縣北接蒙疆爲大賚之屏蔽南隣長春巨埠其東則中東鐵路爲其交通蓋亦三省之要樞而又邊防圻壤之所繫昔在遼金實爲黃龍之府崛起稱雄馳騁中夏泊乎有明勢如甌脫寢

農安縣志

假爲科爾沁所據道光七年殖民於此始入版圖生聚撫綏垂百餘年光緒十五年設治迄於今蓋又三十有九年矣其間變遷治亂雖不得指數想見昔日荒寒遊牧之時則大有異也去歲巡行庶政立馬郊岡則見無際周原田野既闢並無高山巨川以耗地利純乎爲一廣漠農產之區其民率質鈍少文多半習於農作而力田據調查所得全縣黃口蓋三十萬數有奇闢地租額且廿四萬响而強地方收入爲數三十萬元左右固已可以爲政矣年來盜匪蹂躪民力爲衰庶政因受厥影響使有資者劍牛成俗加以教養盡其撫字招徠之術則民生日臻乎蕃富庶政日進乎修明駿騷乎豈特與內地腹縣爭文野裨益乎籌邊大計尤足重也雖然地方之庶政良窳利鈍固視有司之賢否以爲轉移而庶政之實施其與相助爲理者尤視乎地方人才之消長以爲衡不佞特罪斯邦行且逾歲爬梳整飾雖兢兢然不敢上負大憲付託之殷欲有鑿乎父老望治之切而采風問俗關於本縣之沿革得失求之搢紳士夫亦且語然不詳不能盡道其一此編之成所謂兵農錢穀之盈蝕風俗

習慣之醇駁教育實業之如何講求而振興之警團保衛之如何整飭而收守望相助之效所謂酌古以徵今蒸蒸日上進而未有極者不至數典忘祖茫無依據其各勵然自奮慷慨急公於以補有司之不及謀地方庶政之發展濟濟多士播爲異日邑乘之光者抑亦

列憲催脩縣志之微意也夫是又望之邦人君子者是役也邑紳劉君長清擔負籌編之責賓縣朱君衣點實總裁之云時  
中華民國十六年八月下泮  
知農安縣事鄭士純識

農安縣志

農安舊無志書民國十六年春鄭前任奉令纂輯始設局聘員經畫其事如調轉來農適已脫轡鄭前任殷然以付梓爲囑詢悉斯志之成終始凡八逾月前任之督飭學畫固已勤矣披覽數過哀然鉅製其於斯地之沿革確定爲黃龍府舊址考覈極精已成鐵證至若幅員之出入道里之遐邇錢穀之盈蝕戶口之增減以及禮文制度風俗習尚之推移遞遷皆爲窮原委抉摘靡遺不爲模糊影響之談於是一縣之人文幸故胥萃於是編既足供輅軒之采亦可資文獻之徵邦人君子手執此編探討地方利病得失亦足以動其恭敬桑梓之思謀所以更張而修明之守土是方者更可於是取資借鑑以斟酌乎因革損益之宜然則斯志之鉅詎可緩歟因就原籍之款而增益其不足尅期程功以付梓人用竟前任之志並叙其編輯始末以告讀者云

民國十七年

月

日 農安縣知事劉保措識

弁言

周官外史掌四方之志註謂若晉乘楚檮杌及魯春秋之類蓋當時列國諸侯猶遵王制奉正朔與後之郡縣無異故外史得掌列國之史實即志也乘與檮杌雖不可考而左氏春秋以傳翼經實為史氏之科律亦即方志之權輿故曰比事屬詞春秋教也而胡可易言歟丙寅春鄭宏毅大令由樺川檄升農安時樺志大體已具惟緒寫校對分卷列目猝未能就以公命留樺以竟其事該志序有謂經後任庶修者譏言也未幾公又以農志見屬聞之瞿然曰事之最困難又最無成績可言消歲月耗金錢動滋物議莫提倡縣志若公猶未鑿此苦乎則遜謝不敏矣函電往復辭不獲免時樺志已呈奉縣批夏六月遂買舟西上至則相候有日矣所喜者籌備用人有局長完全負責編輯之事實主之非若樺川之責無旁貸也詎意歷期七八月派員五六人調查毫無端倪無肥鮮雖易牙無以調其味無布帛雖鍼神莫克製為衣雖非獲麟儼然絕筆無何前局長辭職而繳薪之議起矣幸蒙 列憲明督對

農安縣志

卷一 弁言

無何責言本期與此邦賢士父老蒐羅故事探討軼聞以共成此邦之信獻結果乃實得其反斯誠初料所不及此矣適 又抱鼓盆之戚兒號女泣日夜搜心再三請去苦無接者又深懼以不舞之鶴為羊公辱乃朝寄楸而夕入局檢取平日筆記作為材料諸友見而憐之相為義務之投稿積久成帙餘則即簿牘之事潤以膚淺之文而斷之以義以期有合孟子其事其文其義之例焚膏繼晷勞以忘憂往往晨雞三唱而高館孤檠猶未眠也乃未三月而告成年經月緯義取翔實若云竊比春秋則吾豈敢

中華民國十七年十二月初

吉農安縣志局編輯主任朱衣點識

農安縣志局  
知事 孫 純



協 署 公  
修 科 王  
長 承 繼 王



編 纂  
劉 長 清



纂 總  
朱 衣 點



農安縣志

編修農安縣志各員銜名

監修

法政專門學校法律科畢業農安縣知事

鄭士純

協修

農安縣署行政科長

王繼承

吉林簡易師範畢業

劉長清

幫辦

農安教育局局長

張潤出

總編輯主任

前清歲貢生

朱衣點

東路調查員

農安縣志

編修農安縣志各員銜名

濱江道立中學畢業

朱履謙

西路調查員

農安師範傳習所畢業

王洗塵

採訪兼調查員

湯永泉

長春縣公署科長

張毅

東北陸軍第十六師師部

吳士俊

農安稅捐徵收局局長

萬開雲

農安電報局局長

朱滋材

農安郵政局局長

王靜之

農安硝磺局局長

夏甸清

農安司法公署審判監督

王德厚

駐農安印花辦事處幫辦

孫煥之

農事試驗場場長

農安商會會長

丁俊

教育局局長

張潤田

農會會長

李篤財

財務處主任

劉為霖

警察所所長

呂鳳翔

嗎啡收容所所長

楊家瑞

保衛總隊長

王學章

積穀董理處總區董

左魁章

教育會會長

張潤川

農安選舉所所長

王緒藻

縣視學員

張悅孔

農安清理田賦局主任

王守信

農安縣志

編修農安縣志各員銜名

縣署調查員

傅顯治

農安登記處主任

鄭慶豐

縣署行政科書記長

李樹聲

農安監獄管獄員

趙繼先

財務處文牘員

臧樹德

捐捐處收捐員

張廉

警察所總務股員

融霖

教育局文牘員

才友亭

農事試驗場文牘員

李香圃

第八區戶籍員

許愛田

縣立中學校校長

馮樹桐

中學校學監

李春榮

慶安縣志 卷一 編修縣志員名

中學校教員  
 第一小學校校長 李慶普  
 第二小學校校長 孫玉成  
 第三小學校校長 徐廣忠  
 第四小學校校長 孫玉成  
 第五小學校校長 梁溥霖  
 第六小學校校長 冷文治  
 第七小學校校長 李雲五  
 第八小學校校長 王作疆  
 第九小學校校長 孫繼堯  
 第十小學校校長 趙繼堯  
 第十一小學校校長 賈錫九  
 第十二小學校校長 徐修富  
 第十三小學校校長 于蘊聲  
 第十四小學校校長 田作雲  
 第十五小學校校長 孟繼忠  
 第十六小學校校長 孫季耘  
 第十七小學校校長 易煥章  
 第十八小學校校長 孫文奇  
 第十九小學校校長 朱鴻聲  
 第二十小學校校長 邵德一  
 第二十一小學校校長 孫樹楓  
 第一女子小學校校長 李方圃

李慶普 孫玉成 徐廣忠 孫玉成 梁溥霖 冷文治 李雲五 王作疆 孫繼堯 趙繼堯 胡錫良 賈錫九 徐修富 于蘊聲 田作雲 孟繼忠 孫季耘 易煥章 孫文奇 朱鴻聲 邵德一 孫樹楓 李方圃

慶安縣志 卷一 編修縣志員名

第二女子小學校校長 閻慕昭  
 第三女子小學校校長 王植三  
 第五小學校教員 韓世輯  
 第九小學校教員 高鳳樓  
 前縣署繪圖員 趙康達  
 繕寫 趙康達  
 前縣署行政科僱員 劉金聲  
 前稅捐局文牘員 蘇乃軒  
 前稅契處僱員 丁子恒  
 前縣署行政科僱員 尉學

閻慕昭 王植三 韓世輯 高鳳樓 趙康達 劉金聲 蘇乃軒 丁子恒 尉學

吉林簡易師範畢業  
 縣視學員

劉長清  
 張悅孔

農安縣志

凡例

一本志志事義取翔實實則信信則傳或於緬懷古人留贈後人

一本志編述前代以農安轄境為限非地望標明黃龍府及濟州隆安者弗錄

一本志編述現代均據調查及呈報其無依據者略之信信疑疑要以可傳為

止

一本志參考書為九通四部備要及契丹國志北盟會編松漠紀聞洪皓道里

記吉林舊聞錄等隨事稱引必用夾註以資證明

一本志體例多采取吉林通志及寧安曲阜高密日照樂安館陶鐵嶺開原各

志間或增損而變通之

一史氏闕文孔子重之考據未能詳確格用空白以付傳疑仿吉林通志例也

一本志每立一目必叙明緣起及應志之理由有類小序則竊比寧安叙事則

農安縣志

卷一 凡例

低二格按語則低三格亦吉林通志例也

一各縣縣志類皆標題分段結束一經續修則原志幾廢僅為一種資料或另

印為附本名曰續修實同改編茲為編年紀月不作了語以便續者按年代

簡接蟬聯次第續修如出一編一手不必改作

一以干支紀年肇自黃帝元年丁巳春秋取之通鑑綱目取之志有例乎曰有

見諸山東曲阜縣志之通編

一光學近年發明故前志不附照片然攝影寫真實足補筆墨所未及寧志創

之本志因之

一附載公牘志有其例則班氏食貨志附晁錯貴粟之奏是也然多則體例龐

雜不合志裁茲僅於田賦志附呈文一以代叙述非以公牘也

一農安舊有詳圖自訓練長嶺後疆域縮小各區沿革亦有不同自宜另易新

者以規大勢若云愈之則猶未也

一各縣志乘隨意立目得失互見茲仿馬氏文獻通考列目者五曰家緯曰輿

地曰田賦曰錢幣曰戶口仿吉林通志列目者五曰大事曰沿革曰建置曰

人物曰志餘仿鄭樵通志列目者二曰氏族曰金石仿晉書列目者一曰職

官仿新唐書列目者一曰選舉仿寧安縣志列目者八曰交通曰實業曰教

育曰自治曰度支曰風俗曰宗教曰古蹟仿江省通志列目者三曰行政曰

司法曰兵事仿日照縣志列目者一曰物產仿前漢書列目者一曰藝文仿

鐵嶺縣志列目者二曰鄉村曰慈善仿大中華吉林地理志列目者一曰衛

生酌古準今立目者三曰稅捐局稱也曰外交部名也曰軍警明警不與軍

事同也列目三十有四繁節百二十有五共五百二十一頁約三十餘萬言

一本志脫稿未十逾月迫於限期倉卒編就疎繆難免閱者諒之

農安縣志

卷一 凡例

農安縣志目錄

卷一

沿革

唐虞三代 漢晉 魏隋 唐及五代 遼金 元 明清 民國

大事

同沿革

象緯

經緯 日躔 經差 時差 標準時 地方時 雨計 雪量 風向

氣候

輿地

疆域 區劃 地質 山水 名勝附伊通河風景 險要附興地全圖

卷二

農安縣志

卷一 目錄

交通

道理 津梁 郵政 電報 電話 長途電話

物產

動物 植物 礦物 特產

實業

農業農事試驗場農會附 工業 商業商會附並掛影

田賦

丈放 割撥 清賦 升科 稅契 換照清賦局附

卷三

建置

城池 市鎮附影及圖 廨宇附影 獄所 局所附教育局影 學校附中學影

園場附校植園農植場影 倉穀 祠宇附南關老爺廟東門外龍王廟影

職官

前代 清代 民國附各職官表

行政

清代行政 民國行政

司法

清代司法 民國司法

卷四

教育

學校教育附小學教員研究會假期講習會運動會教育會 私塾教育 通俗教育

祀典

祀孔附大成殿影 祀關岳附關岳廟影

選舉

農安縣志

卷一 目錄

清代選舉 民國選舉

自治

清代自治 民國自治

卷五

軍警

軍防 警察附消防隊火樓影 預警 保衛團 保衛隊 保衛附團

兵事

前代 清代 民國

外交

前代 清代 民國附駐農口領分領影

卷六

稅捐

國家稅捐 附稅捐局登記處印花稅辦事處儲備局 地方稅捐

度支

國家度支 地方度支 附地方財務處

錢幣

制錢 銅元 現銀 銀元 鈔幣 官帖 附水衝官銀號 憑帖 現行錢幣

卷七

鄉村

氏族

前代 清代 民國

戶口

前代 清代 民國

風俗

農安縣志

卷一 目錄

三

古俗 今俗

慈善

國家慈善 個人慈善

衛生

公眾衛生 個人衛生 附醫藥衛生

宗教

佛教 道教 回教 附清真寺影 天主教 基督教

卷八

人物

節烈 賢範 孝行 友于 官績 將略 儒林 文苑 代表 鄉耆

壽民

古蹟

古塔 攝影 古城 古寨 古器 攝影

金石

古金類 古石類

藝文

書之類 文之類 詩之類

志餘

凡調查所得無目可附而又不可埋沒者屬之

農安縣志

卷一 目錄

四

古俗 今俗

慈善

衛生

宗教

人物

古蹟

農安縣志

壽民

古蹟

農安縣志

沿革

星球環轉世界滄桑溯自洪荒遠古以來已亘數千百年於茲矣於此數千百年中而欲詳其部族辨厥疆域及一切廢興分合之故一一如數家珍胡可易言農安舊隸戎索往事無徵其見諸載籍者肅慎立國僅貢楛矢挹婁易號夫餘西來隋書不為夫餘立傳其入高麗無疑此扶餘城所以有高麗之號也大氏自以渤海稱雄乃去赫靺故號此扶餘府所以加渤海之稱也雖斷簡殘編書缺有闕而蛛絲馬跡墨尙留痕無難辨者獨至於黃龍府於此於彼見各不同幾成爲歷史上之爭點或以爲慕容氏故城是殆以黃龍國爲黃龍府也或以開原當之是又以開元路爲開元縣也不知龍州本屬上京開元東連五國黃龍現城上扶餘自此更名白馬渡江來濟州於焉錫號遼澤有河豈曰伊禿開原有塔不名隆安故謂遼南曾號黃龍可也謂遼南金改濟州不可也謂開原本於開元可也謂開原即金隆安不可也爰爲考

農安縣志

第一沿革

咸兵事辨以隣境合以道里並證以江河及圖書則農安爲黃龍府已無疑義况農安之於隆安音韻皆有可通龍安又號龍灣俗稱尤爲近古元駐開元路總管於此後移開原其遠徵也明征元太尉將軍馮勝駐軍隆安其近據也志沿革

農安縣志

沿革

虞爲息慎夏至周爲肅慎亦曰稷慎  
史記五帝紀至於荒服北山戎發息慎咸戴舜之功  
山海經大荒北經大荒之中有山名不咸有肅慎之國白林通志不咸即長白  
史記周本紀成王既伐東夷息慎來賀王使榮伯作賄息慎之命魯解孔安國曰賄賜也  
按成周之會稱稷慎康王之時肅慎復至郝氏懿行謂聲轉字通實一國也滿洲源流考其國南包長白北抵弱水東極大海廣袤數千里又賈耽道里記渤海王城臨忽汗海其西南三十里古肅慎城考其地爲今寧古塔章昭云去夫餘千里夫餘農安也與今至寧古塔道里相符玩包字之義當爲肅慎西南境  
漢及晉爲夫餘

農安縣志

第一沿革

後漢書東夷傳夫餘國在元菟北千里南與高句驪東與挹婁西與鮮卑接北有弱水地方二千里本濕地也

編者至此而疑焉考吉林通志農安沿革表肅慎之後繼以夫餘肅慎未曾失地夫餘胡爲至此比讀後漢書挹婁傳挹婁古肅慎之國也漢興以後臣屬夫餘蓋自肅慎改號其西境已屬夫餘故曰東與挹婁接又三國志東夷傳夫餘在長城之北本屬元菟漢末公孫度雄張海東夫餘王尉仇台更屬遼東時句驪鮮卑強夫餘介二虜之間故曰西與鮮卑接又後漢書東夷傳元朔元年武帝年也濊君南閭等畔右渠率二十八萬口詣遼東內屬帝以其郡爲蒼海郡通鑑輯覽註今奉天府鳳凰城及朝鮮江源道皆其地故杜佑通典夫餘傳其印文言濊王之印國有故城曰濊城何時入夫餘則不可考書稱濊地者當即指此至昭帝始元五年徙樂浪浪則在高句驪南非夫餘境也元菟自在朝鮮前漢書東夷傳武帝元封三年

定朝鮮爲眞番臨屯樂浪元菟四郡昭帝時罷臨屯眞番以併樂浪元菟則元菟之郡於樂浪可知又後漢書郡國志遼東郡雜屬東北二千六百

里玄菟郡雜屬東北四千里則玄菟之非遼東郡更可知前漢晉地理志高句驪元菟屬縣有南蘇水西北經塞外考南蘇水即今赫爾蘇河出奉天海龍驪經伊通北出塞是則今伊通州地爲高句驪北境夫餘在元菟北千里南與高句驪接吉林通志謂農安爲夫餘國地已無疑義

晉書四夷傳夫餘在元菟北千里南接鮮卑國有古濊城本濊貊之地也按晉書不爲高句驪列傳其北境已入鮮卑觀晉書載記慕容恪攻克高句驪南蘇城可見故曰南接鮮卑非南與西之有誤乃晉與漢之不同也至國有濊城則是沿後漢書之舊非徒後之濊地也

北魏爲高麗北境魏書高句驪傳世祖遣員外散騎侍郎李敖拜璉劉爲都督遼海諸軍事

農安縣志 卷一 沿革 三

征東將軍領護東夷中郎將遼東郡開國公救至其所居平壤城訪其方事云遼東南一千餘里東至柵城南至小海北至舊夫餘

按後漢時高麗疆域北接夫餘漢晉兩書皆有夫餘傳自後無聞蓋自晉末已爲高麗所併故稱舊夫餘以別之

隋爲高麗夫餘城隋書東夷傳其國東西二千里南北千餘里都於平壤按以南北朝里考之與元菟至夫餘同城詳後

唐初爲高麗夫餘城後爲渤海夫餘府境舊唐書東夷傳高麗者出自夫餘之別種也其國都於平壤即漢樂浪郡之故地東渡海至於新羅西北渡遼水至於營州南渡海至於百濟北至靺鞨東西二千一百里南北二千里

按吉林通志唐時其地北至靺鞨是已越夫餘直拓至郭爾羅斯旗農安

郭爾羅斯前旗地也扶餘城仍屬高麗夫何待言資治通鑑乾封二年高侃進至金山與高麗戰薛仁貴拔南蘇木底芬巖三城

又總章元年薛仁貴既破高麗於金山遂拔夫餘城按注扶餘國之故城故城存其名扶餘川中四十餘城皆望風請服

按吉林通志扶餘今農安縣南蘇今伊通州以商縣水得名此唐兵渡遼自南而北進兵之道路也乘破竹之勢故川中四十餘城皆望風請服考舊唐書薛仁貴本傳拔城次第與此皆合乃新唐書先拔扶餘次戰金山拔南蘇等三城則是自北而南作逆擊勢越國以侵遠必不可得之勢也省志謂新書爲得其實則竊未之敢信矣

新唐書北狄傳扶餘故地爲扶餘府常屯勁兵捍契丹領扶仙二州按滿洲源流考扶仙二州遼時皆廢扶州即因扶餘得名當爲負郭所屬

農安縣志 卷一 沿革 四

縣名見遼史吉林舊聞錄農安縣城即扶餘國舊都自魏晉以來視爲要地唐渤海大氏即其地改爲扶餘府

按滿洲源流考渤海大祚榮所都在長白山東北大欽茂又東徙三百里直忽汗河之東今寧古塔呼爾哈河也呼爾哈河匯於寧古塔城西一百里之畢爾騰湖湖廣五六里袤七十里許中有三山即所謂忽汗海也德林石在其北即德里鎮所在然則渤海上海及忽汗城實在寧古塔城旁不在遼陽也

遼爲上京道之長春州東南境東京道之龍州黃龍府遼史地理志長春部屬軍下節度使本鴨子河春洲之地興宗重熙八年置隸延慶宮兵事屬東北統軍司統縣一長春縣縣本設同江地與龍州即者海龍縣於戶二千

按遼史本紀聖宗太平四年改鴨子河爲混同江又皇朝通志松花江上

游至那爾混河來會又北會混同江即鴨子河考那爾混今作那爾轟混  
同江即松花江又滿洲源流考長春州瀋混同江今都爾伯特札特皆  
州之北境則遼長春州當與今伯都訥相近又通鑑輯覽注長春州今郭  
爾羅斯地考郭爾羅斯光緒十五年爲農安縣合源流考證之當爲州之  
東南境

遼史地理志龍州黃龍府本渤海扶餘府太祖平渤海道至此崩有黃龍見  
更名保寧七年將軍雅爾丕勒叛府廢開泰九年遷城於東北以宗州檀州  
漢戶一千復置統州五縣三黃龍縣本渤海長平縣併富利佐幕肅慎遷  
民縣本渤海永寧縣併豐水扶羅置永平縣渤海置考長平富利本屬渤海之龍州遼  
破龍州遷其民於通州之地而後  
以龍州之名與渤海龍州實非一地特此兩縣皆可考證  
史以考見其名其佐幕道慎州舊屬某州則不可考矣  
按吉林通志黃龍府本渤海扶餘府與通州爲渤海扶餘城者似爲一處  
但通州所屬有扶餘等縣乃扶餘舊縣黃龍府所屬之富利長平乃渤海

龍州縣志

卷一沿革

五

龍州舊縣以史文測之蓋太祖既破龍州遷其民於扶餘府東北境亦設  
龍州如南朝僑郡故通州先名龍州又改扶餘府爲黃龍府屬龍州故黃  
龍府冠以龍州也及遷黃龍府於東北乃初設龍州之地故府所屬及係  
龍州舊縣而通州自保寧置於扶餘舊城故所屬皆扶餘舊縣也考據精  
詳謹爲照錄

又按遼黃龍府前爲渤海扶餘府後爲金之濟州銜接一氣毫無牽就若  
開原黃龍府設於何時後改何名史均無考不過因元之開元路誤以爲  
開元縣耳至契丹國志黃龍府即慕容氏和龍城續通典州郡序契丹本  
鮮卑之地世居遼澤南控黃龍北帶潢水是皆自黃龍國誤之若農安之  
爲黃龍府其證有五

一有證於兵事者  
遼史地理志信州彰聖軍本越喜故城渤海置懷海府聖宗以地鄰高麗

開泰初置州以所虜漢民實之兵事屬黃龍府都部署司  
又賓州懷化軍節度本渤海城統和十七年遷烏舍原作戶置鴨子河混  
同二水之間後升兵事隸黃龍府都部署司

又益州觀察屬黃龍府統縣一靜遠縣

又威州武寧軍刺史屬黃龍府

又濟州建寧軍刺史屬黃龍府

又雍州刺史屬黃龍府

又祥州瑞聖軍節度與宗以鐵麗戶置兵事屬黃龍府都部署司統縣一  
懷德縣

按金史地理志信州次崇隆二州之後續通志亦以崇隆信三地並稱  
當去隆州不遠又松溪紀聞黃龍府南百里曰賓州州近混同江當在  
在農安縣東南瀕江處金史太祖自將攻黃龍府進臨益州州在農安

縣東威州在農安縣西南祥州今長春府東北均見省志又元一統志  
廢祥州在賓州西南除清雍二州無考外餘皆於農安爲近屬而隸之  
宜矣

一有證於鄰境者  
續通典州郡典通州安遠軍節度本扶餘國王城渤海號扶餘府遼太祖  
改龍州聖宗更今名景宗保寧七年以黃龍府叛人燕頗餘黨置升節度  
使元一統志賓州之西曰黃龍府即石晉出帝初安置之地

契丹國志長春路鐵撫女真室韋置黃龍府都部署司

新唐書渤海國長嶺府領瑕河二州

按吉林通志通州今長春府東北朱家城子境遼史安搏以燕頗餘黨  
千餘城通州即此賓州長春已如上所述又滿洲源流考河州在黃龍  
府北有河流入松花江農安之分爲長嶺也當即取此以今地望考之

農安縣志

卷一沿革

六

殊合又珠赫店河作田今朱家城子甯江州今石頭城子得勝陀碑在焉凡有關於黃龍府者今皆於農安爲近

一有證於道里者  
松漠紀聞自上京五十里至拉林河又百十里至混同江又過混同江七十里至北易州五十里至濟州東鋪二十里至濟州金改黃龍府爲濟州詳後

聖武記甯古塔在黃龍府東七百餘里  
按以上所述道里如此然欲確定黃龍府之地點當先辨金上京會甯之所在考金史地理志會甯府下初爲會甯州太宗以建都升爲府天眷元年置上京留守司以留守帶本府尹兼本路兵馬都總管後置上京海蘭等路提刑司東至呼爾哈路六百三十里西至肇州五百五十里北至扶餘路七百里東南至率賓路一千六百里至海蘭路一千八百里縣二台甯縣倚與府同時置有長白山青嶺瑪奇嶺巴延延綠野

淀有按春河又書作阿尤河有混同江拉林河有得勝陀國言額特赫格們作原

忽土禮太祖誓師之地也曲江縣初名鎮東大定七年置十二年更名宜春縣大定七年置有鴨子河吉林通志東至呼爾哈則今三姓地也西至肇州則今都伯訥地也東南至率賓路則今綏芬河地也海蘭路則今大小海蘭河地也由各處至阿勒楚喀核以今之里到無不相符是金上京會甯府之在阿勒楚喀毫無疑義上京既定則由上京以南至濟州之道里當然可信又由農安至甯古塔道里方向亦合

一有證於江河者

金太祖收國元年八月上親征黃龍府次混同江無舟使一人導前乘豬白馬徑涉曰親吾鞭所指而行諸軍隨之水及馬腹後使人測其渡處深不得其底九月克黃龍府遣辭刺還遂班師至江徑渡如前丁丑至自黃龍府

按史曰徑涉曰克易詞也曰班師曰徑渡如前曰至近詞也是黃龍府去混同江不遠之徵遼混同江即今松花江千古此混同江千古此黃龍府也修志者可無事饒舌矣

奉使行程錄自黃龍府東行二百十里至古烏舍寨松混同江涓寨前高岸下有柳樹沿路設行人幕次於下金國太史李靖所居

按松花江自吉林省城南而東流折西北過烏拉城之西越柳條邊轉而西趨爲扶餘長春二縣界按吉林分縣新圖考之由農安東至法特哈門西松花江岸佔一度零方向里到無不相合

又黃龍府考以洪儲道里記許元宗奉使行程錄所載爲最得其實蓋二人當宋時奉命使金皆親歷其境也

金史額圖耶從攻黃龍府援照散城夜過伊褪水按伊褪即伊統是黃龍府去伊通河不遠之徵

明一統志龍安一禿河在三萬衛北

按龍安即黃龍府一禿河即伊通河志稱龍安一禿河猶言龍安之伊禿河也是伊通河所在即黃龍府所在矣

金史噶布拉思居長白山阿卜薩河徙隆州額勒敏河

按明一統志一迷河在開原城四百里北流合一禿河入松花江今土人呼曰驛馬河一迷驛馬皆伊勒門一聲之轉史稱隆州額勒敏河是又隆州去驛馬河不遠之徵隆州即黃龍府也

一有證於圖書者

吉林分縣新圖農安下註古黃龍府

農安丁未報告書農安古之黃龍府也

考黃龍府之爭議有二一曰和龍契丹國志黃龍府一曰開原見開原縣志按通鑑輯覽南北朝宋元嘉十二年燕王弘遣使至宋奉貢稱藩封爲燕

王江南謂之黃龍國契丹國志或以此欺抑知黃龍府乃遼太祖取渤海扶餘府所改未可牽混又元史地理志乙未歲立南京二萬戶府治黃龍府後改開元路明洪武初置三萬衛二十一年徙開元城今開其元縣其為兩地可知而沿革更難言矣茲再志黃龍府之沿革如下

金為上京之隆州東京之秦州

金史地理志隆州下利涉軍節度使古扶餘之地遼太祖時有黃龍見遂名黃龍府天眷二年改為濟州以太祖來攻城時大軍徑涉不假舟楫之祥也置利涉軍天德二年置上京路都轉運司四年改為濟州路轉運司大定二十九年嫌與山東路濟州同更今名貞祐初時升為隆安府亦作開安見富察伊爾傳縣一利涉縣倚與州同時置有混同江拉林河鎮一與縣同時置有混同館

按全遼志龍安城在一禿河西岸一禿即伊通同聲字册說城周七里門四旁有塔亦名農安今農安縣正在伊通河西二里門四旁有塔皆與册

農安縣志

卷一 沿革

九

符又吉林舊開錄塔為遼聖宗時所建明初此地尚稱隆安馮勝征元太尉軍次隆安是也

金史地理志秦州德昌軍節度史遼時本契丹二十部族牧地海陵正隆間置德昌郡隸上京大定二十五年罷之承安二年復置於長春縣以舊秦州為金安縣隸焉長春州都監軍天德二年降為縣屬秦州

按吉林通志秦州為今科爾沁左翼前旗及郭爾羅斯前旗地所屬長春縣為今農安縣西北境方輿紀要邊人呼為新秦州是也

元初為開元路治後為開元路屬境

元史地理志開元路古肅慎之地隋唐曰黑水靺鞨唐以其地為燕州置黑水府東瀕海南界高麗西北與契丹接壤即金鼻祖之部落也太祖阿古達滅遼即上京設都海陵遷都於燕改為會寧府金末其將蒲鮮萬奴據遼東元初癸巳歲出師伐之生擒萬奴師至開元率賓東土悉平開元之名始見

於此乙未歲立開元南京二萬戶府治黃龍府至元四年更遼東路總管府二十三年改為開元路

滿州源流考開元本金上京境內地元兵至此遂定其地而故上京一帶俱已殘毀因改建開元路其初寄治黃龍府後徙於開元縣地明初因以設衛吉林舊開錄元初會僑治開元路總管於此後徙今奉省開元縣

按元志開元路即金會寧府又開元萬戶治黃龍府考遼黃龍府金改隆州非會寧也考金史地理志會寧府山有長白靑嶺水有按出虎混同江滾流河吉林通志謂按出虎即阿什河滾流河即拉林河皆在今阿城縣境其謂白城為金上京會寧信而可徵又會寧舊縣二宜春曲江宜春大定七年置有鴨子河開元無有也且會寧自會寧黃龍府自黃龍府謂開元治黃龍府可也謂開元即黃龍府不可也開元固非今開原一縣地也又元一統志開元路南鎮長白之山北浸鯨州之海三京故國五國故城

農安縣志

卷一 沿革

十

亦東北一都會也觀此可以知開元之為開元並可曉然於黃龍府之所在矣

明初為三萬衛後屬蒙古科爾沁部

明史地理志三萬衛元開洪武初廢二十年十二月置三萬衛於故城西兼置兀者野人乞例迷女直軍民府二十一年府罷遷衛於開元城南距都司三百三十里

按吉林舊開錄明初為伊屯河衛旁境又伊爾們河衛永樂十五年與伊屯河同置舊訛衣迷今伊爾們河在吉林城西一百四十里會伊通河入混同江皆流經農安

文獻通考輿地考科爾沁東西距八百七十里南北距二千一百里東至札賚特界西至札噶特界南至奉天錦州二府邊界北至索倫界至京師一千二百八十里漢遼東郡北境後漢為扶餘鮮卑境唐為契丹及靺鞨地遼為

上京道之東境東京道之北境金分屬上京路北京路及威平路元爲開元路之北境明初以元後烏梁海置外衛自黃泥窪鐵嶺至開元曰福餘衛地即以會長率衛事後叛服不常洪熙間其酋居嫩江後自立國爲科爾沁亦稱北嫩江蒙古素屬於察哈爾清太祖高皇帝甲午年遣使通好天命初其貝勒莽古斯札爾固齊來朝以壤地相接結爲婚姻其後爲察哈爾所侵太祖高皇帝命將赴援察哈爾夜遁十一年其貝勒奧巴達率其兄弟先諸蒙古舉部來降賜以土謝圖汗每有征伐並以師來會優賜與他部獨異後編爲六旗

科爾沁在察哈爾科爾沁左翼前旗科爾沁右翼後旗科爾沁右翼前旗科爾沁右翼後旗

爵無定員今爲親王四人郡王四人貝勒二人貝子一人鎮國公二人輔國公六人

郭爾羅斯東西距四百五十里南北距六百六十里東至黑龍江將軍地界西與北並至科爾沁界南至奉天府及吉林邊界至京師一千八百九十七

里唐時爲契丹地遼置秦州昌德軍屬上京道金因之大定間廢承安二年移州於長春縣以故地爲金安縣隸之元爲遼王納顏分地明爲科爾沁所據後分與其弟是爲郭爾羅斯天聰七年其台吉古木及布木巴隨土謝圖汗奧巴舉部來降後編爲第二旗各置掌旗札薩克仍統領於科爾沁左翼其封爵無定員今爲鎮國公一人輔國公一人一等台吉一人

郭爾羅斯前旗

駐古爾羅斯在寧安口東北一千四百八十七里東西距二百三十里南北距四百五里至後旗界西與北並至科爾沁界南至奉天府邊界清順治五年封古木之子桑阿爾楚克爲輔國公七年以古木之子昂

郭爾羅斯後旗

駐樓子嶺在寧安口東北一千五百七十里東西距二百二十里南北距二百六十里東與北並至科爾沁界西至伯都訥界清順治五年封布木巴爲鎮國公此後旗掌旗札薩克事

旗 王 府

